

Makambo na yo moko —Okosala nini?



NTANGO YA KOZALA KAKA YO MOKO



ISTWARE YA SOLO

“Na bantango mosusu nalingaka nazala kaka ngai moko mpe nasala makambo na ndenge na ngai moko. Kasi bayaya na ngai ya basi bazwaka ngai kaka lokola bebe, mpe balingaka koyeba likambo nyonso! Elingi koloba te ete nazali kobomba likambo moko, kasi nazali kaka na mposa ezala mpo na ngai moko!”
—Allison.

Mpo na nini okanisi ete bayaya ya Allison bazwaka ye mbala mosusu lokola bebe?

Allison akoki kosala nini mpo bayaya na ye báyeba ete azalaka na mposa te bálandelaka makambo na ye nyonso?

Soki yo nde Allison, *olingaki* kosala nini?



SHAMBRE NA YO

ISTWARE YA SOLO

“Soki nalekisi mokolo mabe mpenza, nalinga-ka bātika ngai, ngai moko. Ezali lipamboli kozala na baboti ya malamu oyo bakipaka ngai, kasi na bantango mosusu bakotaka na shambre na ngai na ntango oyo nazali na mposa ya kozala kaka ngai moko!”
—Ryan.

Okanisi ete baboti ya Ryan bazali komitungisa mpo na ye?

Soki ɛɛ, ekoki kozala ete Ryan azali kosala nini (to azali kosala nini te) oyo ezali kotinda baboti na ye bāmitungisa mingi?

Soki yo nde Ryan, *olingaki* kosala nini mpo baboti na yo bātyelaka yo motema?



TELEFONE NA YO

ISTWARE YA SOLO

“Soki kaka nakitisi telefone na nse, mama azalaki kozwa yango mpo na kotánga bamesaje oyo batindeli ngai.

Mokolo moko, alongo-laki kutu nimero ya moninga na ngai moko mpo akanisaki ete moninga yango azalaki kobebisa ngai.”

—Nadine.

Okanisi ete mama ya Nadine azali komitungisa mpo na ye?

Soki ɛɛ, mbala mosusu Nadine azali kosala nini (to azali kosala nini te) oyo ezali kotinda mama na ye amitungisa mingi?

Soki yo nde Nadine, *olingaki* kosala nini mpo mama na yo atyelaka yo motema?
